

O Curso de Medios Audiovisuais de Celanova aposta pola suma de talentos na súa XIV edición



A cita desenvolverase do 4 ao 7 de xullo na localidade ourensá

Rosa Tedín | Ourense

Entre as citas que cada ano repiten na programación de cursos de extensión universitaria organizados desde o campus de Ourense está o Curso de Medios Audiovisuais de Celanova, feito en colaboración co Fundación Carlos Casares. Este ano, a actividade terá lugar do 4 ao 7 de xullo e levará por lema A obra

audiovisual. Suma de talentos. Arredor de 20 profesionais do audiovisual achegaranse á localidade ourensá para analizar as últimas producións... [+info](#)

O futuro da investigación mariña arriba á Universidade



120 estudantes de ESO e Bacharelato de toda España participan no campus de verán de Campus do Mar

M^a del Carmen Echevarría | Vigo

Castela a Mancha, Valencia, Madrid, Andalucía, Aragón, Extremadura e Euskadi, son algunhas das 10 comunidades de orixe dos 120 estudantes de 4º de Secundaria e de 1º de Bacharelato, que desde hoxe e ata o vindeiro 29 de xullo,

participarán na sétima edición do programa Campus Científicos de Verán organizado por Campus do Mar, xunto coa Fundación Española para la Ciencia y la Tecnología, Fecyt, en colaboración coa Fundación La Caixa. [+info](#)

Especialistas de toda Europa debaten en Vigo os principais retos dos programas universitarios para maiores

E o tema central da VI International Staff Training Week, que se prolongará ata o venres



D. Besadío | Vigo

Cinco días completos para afondar nos principais retos dos programas universitarios de formación para maiores de 50 anos. Este é o principal obxectivo co que esta mañá arrancou en Vigo a VI International Staff Training Week, un encontro no que participan 31 expertas e expertos chegados de distintos países de Europa e Cabo Verde, "un colectivo totalmente

multidisciplinar pero... [+info](#)

A comunidade investigadora do campus reúne esta semana cunha vintena de empresas e asociacións



Co obxectivo de fomentar a transferencia no marco do Campus CREA S2i

Duvi | Vigo

“Dar a coñecer ás empresas o traballo que fan as investigadoras e investigadores do campus para poder crear posibles sinerxías e fomentar a transferencia no campus de Pontevedra”. Así describe o vicerreitor Juan Manuel Corbacho o principal obxectivo co que esta mañá arrancaron na Casa das Campás unha serie de catro talleres nos que a comunidade investigadora do Campus... [+info](#)

Científicos de Ephemare estudan nas Bermudas o impacto da contaminación por microplásticos no océano

No marco do proxecto Race for Water e a bordo dun dos barcos solares máis grades do mundo



M. Del Río | Vigo

O proxecto Race for Water loita contra a contaminación mariña percorrendo o mundo durante cinco anos a bordo dun dos barcos solares máis grandes do mundo. Este trimarán levou áncoras o pasado mes de abril do porto francés de Lorient e agora, tras atravesar o Atlántico, atópase nas illas Bermudas, onde embarcaron tres científicos do proxecto europeo Ephemare, que coordina a Universidade de Vigo e ten como obxectivo avaliar o impacto dos ... [+info](#)

As Bolsas Ourense Exterior financiarán estudos de mestrado a cinco estudantes estranxeiros

As persoas beneficiarias terán de balde a matrícula e axudas para gastos de viaxe e aloxamento



Rosa Tedín | Ourense

No marco das actuacións para o fomento da internacionalización do campus de Ourense, cada ano véñense convocando as Bolsas Ourense Exterior, financiadas pola Universidade de Vigo, o Consello Social da Universidade de Vigo e a Deputación Provincial de Ourense. O seu obxectivo é facilitar a mobilidade de cidadáns residentes no estranxeiro que queiran cursar estudos de primeiro... [+info](#)

Novas evidencias apuntan a que os motores de gasolina requiren sistemas de tratamento de emisións comparables ao diésel

Segundo o Comité de Combustión da Axencia Internacional da Enerxía



D. Besadío | Vigo

O fraude das emisións contaminantes de Volkswagen supuxo un antes e un despois no mercado dos coches diésel, sobre todo en Europa, onde representan arredor do 40% do total de turismos. Foi a última pinga que axudou a incrementar a mala fama dun motor, o diésel, ao que se lle atribúe o feito de ser moito máis contaminante que os de gasolina, xa que a pesares de emitir

menos CO₂ –porque consumen menos combustible- lanzan á atmosfera... [+info](#)

Alumnas de Belas Artes situarán o mar diante dos escenarios do Sinsal

A través dunha serie de intervencións que se emprazarán diante dos escenarios do festival



Duvi | Pontevedra

A 42°18' de latitude e 08°37' de lonxitude é o título do proxecto co que catro estudantes de Esdemga e unha alumna de doutoramento da Facultade de Belas Artes situarán o mar diante dos escenarios do Festival Sinsal, que se desenvolverá entre o 21 e o 23 de xullo na illa de San Simón e que foi presentado hoxe mércores en Vigo. Nunha iniciativa promocionada... [+info](#)

Vigo explora novas vías de cooperación coa universidade arxentina Gastón Dachary

Tras a reunión mantida este xoves entre os reitores Salustiano Mato e Alba Pérez Chilavet



D. Besadío | Vigo

O reitor da Universidade de Vigo, Salustiano Mato, recibiu este xoves a visita de Alba Pérez Chilavet, a súa homóloga na universidade arxentina de Gastón Dachary, centro universitario privado co que a universidade viguesa leva xa preto de 20 anos de colaboración. A idea deste encontro, segundo recalcaron

ambos reitores, é explorar novas vías de cooperación,... [+info](#)

Muller galega do ámbito xurídico-social, perfil maioritario das preto de 71.500 persoas tituladas pola Universidade entre 1990 e 2015

Segundo conclúe un libro de Luis Espada e Víctor M. Martínez, publicado polo Consello Social



M^a del Carmen Echevarría | Vigo

A Universidade de Vigo titulou durante o seu primeiro cuarto de século de existencia (1990-2015) un total de 71.487 persoas e emitiu 82.330 títulos, ao completar máis de 9700 persoas varias titulacións. Así se reflicte no libro *71.487 persoas tituladas da Universidade de Vigo (1990-2015). Evolución da oferta académica*, elaborado polo catedrático emérito Luis Espada e o analista de datos

o Observatorio de Egresados da Universidade de Vigo, ...[+info](#)

Unha xornada chea de exemplos de boas prácticas na cooperación entre a Universidade e as empresas

Organizada polo Campus CREA S2i e pola Cátedra Jean Monnet Understanding the EU in the 21st Century



Inés Tornero | Vigo

Ofrecer unha panorámica das posibilidades de cooperación entre a Universidade e o tecido empresarial e das canles de financiamento dispoñibles a través de Erasmus+ para o período 2014-2020 é o principal obxectivo da xornada de Cooperación Universidade-Empresa, organizada pola cátedra Jean

Monnet Understanding the EU in the 21st Century xunto co Campus CREA S2i e celebrada hoxe xoves 6 de xullo na Casa das Campás. [+info](#)

Fronte común das universidades galegas para liderar unha transformación social a prol da igualdade

Persoal docente e investigador asiste á V Xornada Universitaria Galega en Xénero



M^a del Carmen Echevarría | Vigo

O psicólogo, investigador e activista dos dereitos do colectivo LGTBQ R. Lucas Platero considera que a universidade, como lugar de produción do coñecemento, ten unha responsabilidade clave respecto á comunidade educativa e, en concreto, "con aquelas persoas que teñen unha situación de vulnerabilidade clara, como son as persoas trans*, pero tamén con aquelas con

corporalidades racializadas, con diversidade funcional ou... [+info](#)

O campus explora vías de colaboración coa Chapman University

No marco da misión comercial USA-Ourense organizada pola Deputación Provincial



Rosa Tedín | Ourense

Arredor dun centenar empresas e institucións, 75 ourensás e 22 estadounidenses, participan este xoves e venres na cidade das Burgas na segunda edición da misión comercial USA-Ourense, un encontro empresarial organizado pola Deputación Provincial no que empresarios e representantes institucionais analizan vías de negocio e cooperación en diferentes... [+info](#)

Os proxectos gañadores do programa Empreamar comezan a fase de preincubación en Moaña

As seis iniciativas con maior potencial recibiron no Concello as chaves simbólicas dos espazos que ocuparán



Duvi | Vigo

O programa de emprendemento mariño e marítimo Empreamar, impulsado polo Campus do Mar e o Concello de Moaña, iniciou este xoves a súa cuarta e derradeira fase, a de preincubación dos seis proxectos seleccionados, tras rematar as fases formativas previas. O acto simbólico de entrega de chaves tivo lugar onte no salón de plenos do Concello e nel estiveron presentes Emilio

Fernández, director do Campus do Mar e a alcaldesa Leticia Santos. [+info](#)

A EE Forestal achega o alumnado aos procesos de biorrefinería

Con novos equipamentos, dirixidos a abordar o procesado integral da madeira e residuos forestais



Duvi | Pontevedra

A química ten cada vez un papel máis relevante no aproveitamento dos recursos forestais, que poden servir como fonte para elaboración de biocombustibles ou antioxidantes. Co propósito de achegar a formación práctica do alumnado aos procesos de biorrefinería,...[+info](#)

O Gabinete Psicopedagógico do campus despide o curso superando as 1800 consultas

A cifra triplica a do ano académico anterior



Rosa Tedín | Ourense

Este venres, 14 de xullo, o Gabinete Psicopedagógico do campus de Ourense pecha a súa actividade ata o 1 de setembro e faíno facendo un balance moi positivo dos resultados neste curso académico 2016/2017 que está a piques de rematar. As 1836 consultas atendidas durante este período triplican a cifra do curso pasado e amosan, tal e como destaca a responsable do gabinete, Isabel Ferreiro,... [+info](#)

As primeiras escavacións nas Pioucas da Santa de Allariz sinalan unha orixe romana

Un equipo de 20 persoas traballa durante o mes de xullo en Armea e a súa contorna



Rosa Tedín | Ourense

Desde o pasado 1 de xullo, un equipo de 20 persoas baixo a dirección do Grupo de Estudos en Arqueoloxía, Antigüidade e Territorio (Geaat) da Universidade de Vigo traballa en diferentes puntos do Concello de Allariz co obxectivo de afondar no coñecemento histórico da "Cibdá de Armea", que os arqueólogos datan no século I. A piques de chegar ao ecuador da intervención,... [+info](#)

15 estudantes pontevedreses presentarán no Sinsal Son Estrella Galicia catro proxectos que unen tecnoloxía e creación artística

Alumnos e alumnas de cinco titulacións conforman unha iniciativa bautizada como 'Campus Illa San Simón'



M. Del Río | Vigo

As sinerxías entre as novas tecnoloxías e a creatividade son o nexo común que une a 15 estudantes de graos de Pontevedra no proxecto *Campus Illa San Simón*. Trátase dunha iniciativa coordinada por profesores de Ciencias Sociais e da Comunicación e Belas Artes na que participan alumnas e alumnos de cinco titulacións e que se insire dentro da programación do Festival Sinsal Son Estrella Galicia, que se celebra do 20 a 23 de xullo na illa de San Simón. [+info](#)

O Programa para Maiores abre a preinscrición para o novo curso

As persoas interesadas teñen de prazo para inscribirse ata o martes 18 de xullo



Duvi | Vigo

Como cada ano a Universidade de Vigo volverá abrir en outubro as aulas ás persoas de máis de 55 anos co Programa para Maiores, unha iniciativa dirixida á poboación adulta que queira implicarse na vida universitaria a través de actividades de formación paralelas ás ensinanzas regradas. O período de

preinscrición manterase aberto ata o vindeiro martes 18 de xullo,... [+info](#)

Desenvolven unha crema solar con auga termal e pebidas de bagazo

O proxecto está encabezado pola investigadora Nazaret Rodríguez



Rosa Tedín | Ourense

Nos últimos anos, investigadoras dos departamentos de Enxeñería Química, Bioloxía Funcional e Ciencias da Saúde e de Química Analítica e Alimentaria da Universidade de Vigo, con Herminia Domínguez, María José Pérez e Elena Falqué á cabeza, veñen desenvolvendo diferentes proxectos nos que se aborda a valorización tanto das augas mineromedicinais de Ourense como... [+info](#)

O Proxecto RISC Miño-Limia arranca co obxectivo de mitigar os efectos do cambio climático na conca internacional

O campus acolleu este venres a reunión constitutiva do seu comité de xestión e coordinación



Rosa Tedín | Ourense

O campus de Ourense acolleu este venres a reunión constitutiva do Comité de Xestión e Coordinación do Proxecto RISC Miño-Limia. Este proxecto, financiado polo Programa de Cooperación Transfronteiriza Interreg V-A España-Portugal (Poctep) 2014-2020, ten como obxectivo o deseño de medidas orientadas a mitigar os efectos dos fenómenos extremos derivados do cambio... [+info](#)

O sintetizador de voz CoToVía permite converter un texto escrito en galego nunha cadea oral

O proxecto, dirixido polo Centro Ramón Piñeiro, foi desenvolvido por investigadores de Vigo e Santiago




Duvi | Vigo

Tras máis dunha década de traballo de investigadores do Grupo de Tecnoloxías Multimedia da Universidade de Vigo e do Instituto da Lingua Galega da Universidade de Santiago de Compostela, coordinados polo Centro Ramón Piñeiro, este venres presentouse oficialmente a versión definitiva do sintetizador de voz CoToVía. Trátase dunha ferramenta informática que permite a conversión

dun texto escrito en galego nunha cadea oral. [+info](#)

Descobren un manuscrito inédito escrito en galego culto en plenos Séculos Escuros

Son 50 décimas dirixidas contra don Diego Zernadas, o coñecido Cura de Fruíme



D. Besadío | Vigo

É unha longa carta en verso, sen asinar e sen datar, pero de arredor de 1770, con 50 décimas dirixidas contra don Diego Zernadas, o coñecido Cura de Fruíme, unha das figuras máis sobranceiras da Galicia da Ilustración. O profesor da Facultade de Filoloxía e Tradución Xosé A. Fernández Salgado acaba de publicar o libro Cincuenta décimas contra don Diego Zernadas, publicado por Edicións Laiovento, no que dá a coñecer a edición e... [+info](#)

Un proxecto sobre a linguaxe discriminatoria cos maiores gaña a bolsa de investigación Fundación Dorzán

O profesor asociado Miguel Ángel Vázquez é o coordinador do estudo



Rosa Tedín | Ourense

O pasado mes de febreiro tivo lugar a sinatura dun convenio marco de colaboración entre a Universidade de Vigo e a Fundación Dorzán, institución privada sen ánimo de lucro centrada no colectivo da terceira idade. Entre as primeiras medidas contempladas estaba entón a convocatoria dunha bolsa de investigación para proporcionar apoio económico á realización de traballos

científicos na área de atención ás persoas maiores. [+info](#)

Doar tempo, doar solidariedade

A campaña 'Dasme un anaco?' busca estudantes e persoal que queira participar en programas de voluntariado



Duvi | Vigo

Os motivos son moitos: por axudar ao próximo, por coñecer novas vías de realización persoal, por devolver á sociedade o recibido, por xustiza social, por ocupar o tempo de lecer, etc. e cada persoa elixe os seus para ser voluntario ou voluntaria. Por iso, A Universidade de Vigo pon en marcha a campaña *Dasme un anaco? Faite voluntario*, que busca membros da comunidade universitaria

dispostos a compartir o seu tempo, coñecementos e solidariedade con. [+info](#)

O Pergamiño Vindel en Vigo e Galicia para o mundo

Universidade e Xunta asinan un convenio para o desenvolvemento de actividades paralelas á mostra



Duvi | Vigo

Cando restan menos de tres meses para a chegada do Pergamiño Vindel a Vigo, na que será a súa primeira exhibición fóra da Morgan Library de Nova York, a Universidade de Vigo e Consellería de Cultura, Educación e Ordenación Universitaria subscribiron hoxe un convenio para a realización conxunta de actividades, que teñen o obxectivo de achegar á cidadanía de Galicia a obra que

contén as sete cantigas de Martín Codax,... [+info](#)

O Sinsal levanta o pano con creatividade universitaria

Este xoves presentáronse os proxectos do Campus Illa San Simón



Duvi | Vigo

O Sinsal Son Estrella Galicia arranca oficialmente este venres, pero na xornada de onte e a modo de prolegómenos a illa de San Simón tivo a creatividade universitaria como protagonista. A edición deste 2017 do festival comprende dous proxectos con selo pontevedrés: por unha banda, o Campus Illa San Simón, no que participan 15 estudantes de cinco titulacións do campus... [+info](#)

Pont-Up Store dará protagonismo a 41 casos de emprendemento

A organización vén de facer pública a selección de participantes na edición deste ano



Duvi | Pontevedra

A feira Pont-Up Store celebrarase do 21 ao 23 de setembro en Pontevedra por cuarto ano consecutivo consolidada xa como o evento de referencia do novo emprendemento en Galicia. Despois dun intenso proceso de selección entre un total de 123 solicitudes de participación recibidas, a organización da cita vén de escoller a 41 casos de emprendemento para ter presenza neste evento. [+info](#)

Un proxecto interuniversitario analizará a segregación ocupacional e as diferenzas socioeconómicas por xénero, raza e etnia

Financiado polo Mineco e con tres anos de duración, o subproxecto vigués está dirixido pola profesora Coral del Río



M. Del Río | Vigo

A Universidade de Vigo, xunto coa Autónoma de Barcelona, Rey Juan Carlos e Complutense de Madrid, coordinadas por esta última, forman parte dun proxecto estatal de tres anos duración que analizará ata o 2019 as causas e consecuencias da segregación ocupacional e das diferenzas socioeconómicas por xénero, raza e etnia. A profesora da Facultade de Ciencias Económicas e Empresariais Coral del Río é a investigadora principal do subproxecto da Universidade de Vigo, no que participan tamén Carlos Gradín, tamén de Vigo; Olga Cantó, da Universidade de Alcalá e Francisco Azpitarte, da University of Merbourne, aínda que ambos pasaron anos atrás pola Universidade de Vigo. A docente explica que se trata do quinto proxecto deste tipo que desenvolve este equipo de investigación interuniversitario, traballando “ininterrumpidamente dende 2004” e rotando a universidade coordinadora en cada convocatoria.

A candidatura das Illas Cíes como patrimonio mundial natural Unesco levará o aval científico de campus do mar

A sinatura tivo lugar nas dependencias da antiga Reitoría á que a Universidade regresa temporalmente



M^a de Carmen Echevarría | Vigo

A Universidade de Vigo, a través de Campus do Mar, sumouse hoxe á iniciativa que no ano 2013 puxo en marcha o Concello de Vigo, que promove e lidera a proposta de candidatura das Illas Cíes como patrimonio mundial natural Unesco. Salustiano Mato e Abel Caballero asinaron este mediodía, nas dependencias da antiga Reitoría que a Universidade ocupará ata a finalización das obras da súa sede institucional no Berbés, un convenio de colaboración ao abeiro do que ambas institucións traballarán conxuntamente no desenvolvemento das accións de reforzo científico-técnico do expediente da candidatura das Illas Cíes como patrimonio mundial natural Unesco. “Este é un salto cualitativo porque agora, tras varios anos apoiando a iniciativa do Concello, trátase de achegar as evidencias científicas e tecnolóxicas para que a candidatura poda ser viable”, explicou Mato, que destacou que nada mellor que contar coa agrupación científica que aglutina Campus do Mar para dar valor e evidencias científicas á proposta. Pola súa banda, o alcalde de Vigo, Abel Caballero asegurou que o aval científico do campus de excelencia internacional da Universidade de Vigo “é o máis importante que pode ter calquera universidade do mundo, porque en ciencias mariñas Campus do Mar agrupa a algúns dos investigadores máis salientables do planeta”.